

說文引經考異

說文引經攷異卷十二

丹徒柳榮宗撰

毛詩

無然泄泄

口部咄多言也从口世聲詩曰無然咄咄言部詵多言也从言世聲詩曰無然詵詵今大雅板作泄泄孟子離婁篇引亦同假借字也釋文止引許書口部文云說文作咄从言之字古文多从口咄蓋詵之古文疑齊魯詩字

民之方殿屎

口部唵呬也从口念聲詩曰民之方唵呬

又云呬唵呬呬也从口尸

聲
今唸呬作殿屎傳云呻吟也案爾雅釋訓云殿屎
呻也此毛義所本彼釋文云殿屎或作歛次又作慙
脰歛次即唸呬猶吻之或从歛耳从口从欠一也慙
脰字不見於字書蓋譌體字詩釋文止云殿說文作
唸屎說文作呬蓋亦齊魯詩毛用假借字也

天命匪謐

心部忱誠也从心尤聲

尤音淫淫行兒也从人詩曰出凡凡古文作同或作堀

天命匪忱今蕩忱作謐傳云謐誠也忱謐音近義同

白圭之玷

刀部剗缺也从刀占聲詩曰白圭之剗今抑剗作玷傳
云缺也許書玉部無玷字蓋俗字今玷行而剗遂廢

告之話言

言部詁訓故言也从言古聲詩曰詁訓今詩無此文段
玉裁云或謂此卽大雅古訓是式或謂此卽毛公詁
訓傳皆非也釋文於抑告之話言下云戶使反說文
作詁則此四字當爲詩曰告之詁言六字毛傳云詁
言古之善言也以古釋詁正同許以故釋詁陸氏所
見說文未誤也案以釋文話說文作詁言之段說是
也然此亦毛韓與齊魯之異許於詁字注云會合善
言也从言昏聲昏塞口也从口平省聲氏古文傳曰
告之話言此引毛詩也傳當爲詩之誤段玉裁謂此
當作著之話言見左氏文八年傳淺人不知但知抑

詩故改之刪去春秋二字妄擬詩可稱傳也抑詩作
告之詁言於詁下稱之又妄改爲詩曰詁訓案此則
段說之至難通者緣段意謂抑詩毛本作告之詁言
許說卽毛說今本作話本詁字之誤故言之繆戾舛
錯在所不惜不知毛本作話言許書詁篆下所引是
也毛於上慎爾出話傳云話善言也此云告之話言
知爲古之善言故傳云話言古之善言也非以古釋
詁也許訓詁爲會合善言用毛義也訓詁爲故言用
齊魯義也安得如段之云乎

國步斯頻

目部賸張目也从目賓聲詩曰國步斯賸今桑柔賸作

頻傳云步行頻急也箋云頻猶比也哀哉國家之政
行此禍害比比然許引作瞋三家詩也頻與瞋皆當
訓蹙易復卦六三頻復厲虞注云頻蹙也與九三頻
與吝虞注云頻顛也此三字句謂蹙其顛非訓頻爲顛也莊子天運篇
釋文引通俗文云蹙顛曰瞋至樂篇云深瞋蹙顛釋
文引李注云瞋蹙者愁貌是頻瞋皆得訓蹙國步斯
頻三家作瞋謂國步斯蹙耳卽日蹙國百里之意頻
賓字古通許書艸部蓺下曰大薺也从艸賓聲李善
文選陸機擬青青原上柏詩注引字書云蓺亦蘋字
也漢書司馬相如傳上林賦仁頻并閭師古注仁頻
卽賓板也頻字或作賓是頻賓古通之證故毛爲頻

三家爲頤頤本作顙本水濱字許書顙部顙下曰水

厓也人所賓附顙蹙不前而止从頁从涉賓却附近

水邊或却或近故引隸作瀕又省作頻漢時用爲頻

急頻比之義水邊字則別作濱池之竭矣不云自頻

本義也箋云頻當作濱釋文引張揖字詁云瀕今

滌滌山川

艸部薇艸旱盡也从艸微聲詩曰薇薇山川今雲漢作

滌滌傳云旱氣也山無木川無水毛與許義殊異則

作薇薇者三家詩也言旱之甚山川之艸因之而盡

薇薇然光潔也玉篇艸部薇徒歷切詩曰旱旣大甚

薇薇山川薇薇旱氣也本亦作滌其所據毛詩也字

作澈與說文異以滌爲一作字蓋唐以前本如此

有𦉰其星

言部譏聲也从言歲聲詩曰有譏其聲案此卽雲漢之有𦉰其星也傳云𦉰衆星貌許此引亦三家詩段玉裁云有聲如史家所云赤氣亘碎隱有聲是也或說聲當爲星之誤有譏其星若史記天官書云天鼓有音天狗有聲之類

鉤膺鏤錫

金部錫馬頭飾也从金陽聲詩曰鉤膺鏤錫一曰鏤車輪鐵也今韓奕錫省自作錫傳云以金鏤其錫箋云脗上曰錫以金飾之今當廬也許說同其一曰疑三

家義說錫爲鑠所以周市車輪者鑠音葉卽鐵葉也

鞫人伎忒

人部伎與也从人支聲詩曰鞫人伎忒今瞻印鞫作鞫

伎作伎傳云伎害忒變也箋云鞫窮也婦人之長舌

者多謀慮好窮屈人之語伎害轉化其言無常案鞫

卽鞫也許書卒部

卒音聶从大从羊羊音低从例入从二

鞫下曰窮治

罪人也从卒从人从言竹聲又鞫云鞫或省言隸作

鞫字之形聲俱非矣實則鞫窮字當作鞫許書人部

鞫下曰窮也从人鞫聲鞫與鞫同此本字本義鞫人

亦鞫之假借也伎作伎蓋毛本作伎許云伎與是其

本義毛云伎害明其假借許書心部伎下曰恨也从

心支聲害其引伸之義耳廣韻云伎傷害也詩曰韝人伎忒是可證毛詩作伎矣

獻其貔皮

牙部貔豹屬出貉國从牙毘聲詩曰獻其貔皮尚書曰如虎如貔貔猛獸又貔云或从比此載別本異文也釋文云貔本亦作貔音毗是毛詩一本作貔是或从字皆各本傳習字之異而同者七經孟子攷文正作貔皮

鋪敦淮漬

水部漬水厓也从水賁聲詩曰敦彼淮漬今常武作鋪敦淮漬毛無傳箋云陳屯其兵於淮水大防之上釋

鋪敦爲陳屯釋文云鋪韓詩作敷云大也敦韓詩云
迫鄭作屯是毛韓無作敦彼者許所云蓋記憶之誤
或齊魯之異

假以謚我

言部諷嘉言也从言我聲詩曰諷以謚我

今本謚作溢此據廣韻引

改

此周頌維天之命篇之假以溢我也傳云假嘉溢

慎本爾雅釋詁文諷義爲嘉言與假義同溢爲謚者

許訓謚云靜語也从言盜聲

盜音密

釋詁云溢慎也又

云溢慎謚靜也則溢謚義通許所引蓋三家詩左氏

襄二十七年傳引作何以恤我何諷音相近尙書堯
典惟荆之恤哉史記舜本紀恤作靜集解引徐廣曰

今文尙書惟荆之謚哉爾雅曰謚靜也是恤與溢謚字俱通譏謚正字假何溢恤俱借字也

鐘鼓隍隍

金部鐙鐘聲也从金皇聲詩曰鐘鼓鐙鐙今執競作隍隍傳云和也許書口部隍下曰小兒聲从口皇聲詩曰其泣隍隍則與鐙義別然亦同聲通用字漢書禮樂志引作鐙鐙與許合

磬筦將將

足部躑行兒从足將聲詩曰管磬躑躑今本作磬筦將將傳云集也毛義謂其聲之集合和諧耳荀子富國篇引作管磬琯琯磬筦作管磬與許合而將又作琯

許書竹部筦下曰箏也从竹完聲筦所以維絲者竹部
筦維絲筦也从竹廷聲與管迥殊釋文云筦本亦作管
聲筦筦也从竹孚聲是毛本有作管者漢書禮樂志引將將作鏘鏘風俗
通音樂篇引作鎗鎗均同聲通用字此毛與三家傳
習之不同故其字錯出如此

貽我來牟

來部來周所受瑞麥來麴一來二縫象芒束

音刺

之形天

所來也故爲行來之來詩曰貽我來麴今思文作貽
我來牟傳云牟麥箋云武王渡孟津火流爲鳥五至
以穀俱來此謂貽我來牟書說鳥以穀俱來云穀紀
后稷之德

鄭以今文泰誓說來牟許云周所受瑞麥蓋卽謂此

釋文云貽字又

作詒來牟竝如字牟字書作𪔐字或作𪔐孟子曰𪔐

大麥也

今孟子作𪔐麥

案許書牛部牟下曰牛鳴也从牛象

其聲气从口出麥部𪔐下曰來𪔐也从麥牟聲又羣

云𪔐或从艸則牟當作𪔐來部引作來𪔐許所據毛

詩蓋如此李善文選典引注引韓詩曰貽我嘉𪔐薛

君曰𪔐大麥也詒亦作貽今字也牟則作𪔐漢書劉

向傳詩曰貽我𪔐𪔐𪔐麥也始自天降以和致和

獲天助也以此言之來牟之來韓作嘉魯作𪔐

劉子政習

魯詩

古𪔐來字通則來牟者𪔐𪔐也𪔐𪔐者嘉𪔐也來

牟俱假借字如淳漢書文帝紀注𪔐福也許書里部

𪔐下曰家福也从里𪔐聲

𪔐音離

與嘉義近許說來爲

象麥芒刺之形後爲行來字未知其審鄭就本字釋之似亦未爲得也

儻革有鵠

玉部琯玉聲也从玉倉聲詩曰儻革有琯今載見琯作鵠傳云言有法度也箋云儻革儻首也鵠金飾貌釋文云鵠七羊反本亦作琯同案琯與鵠琯皆同聲通用字此蓋謂儻首動則鑾鑣之聲琯琯然上言和鈴央央和在軾前鈴在旂上此云儻革有琯知謂鑾鑣也鄭說似失之

嬛嬛在疚

欠部欠貧病也从欠久聲詩曰瑩瑩在欠今閔予小子

作嬾嬾在疚傳云疚病也箋云遭武王崩家道未成
嬾嬾然孤特在憂病之中此卽許貧病之說非疾病
之病故字不从疒疒 兼作釋文云嬾崔本作瑩疚本又
作欠與許合李善文選潘岳寡婦賦注引韓詩云惛
惛余在疚凡人喪曰疚嬾作惛多一余字漢書匡衡
傳瑩瑩在疚言成王喪畢思慕意氣未能平也字作
瑩瑩與嬾惛亦通用字

以蓐茶蓼

蓐部蓐拔去田艸也从蓐好省聲又嬾云籀文蓐省又
蓐云蓐或从休詩曰既蓐茶蓼今良耜作以蓐茶蓼
釋文云蓐呼毛反說文云拔田草也又云或作蓐引

此以苽茶蓼陸所據說文與今本同既作以與今詩
合案爾雅釋草云蒹委葉郭注云詩日以苽蒹蓼是
詩字本作苽或毛作蓼三家作苽許於蓼下不稱毛
於苽下引三家者見凡引經後列或从字爲各家經
之異文也

積之栗栗

禾部積積禾也从禾資聲詩曰積之秩秩又云秩積也
从禾責聲詩曰積之秩秩今作積之栗栗傳云栗栗
衆多也與許異則作積作秩者三家詩矣廣雅釋詁
云積積秩序也蓋三家詁謂堆積已刈之禾有次序
秩秩然故秩爲積禾貌而其義爲序積積栗秩聲之

轉

絲衣其紕

糸部

糸音密

紕白鮮衣兒从糸不聲詩曰素衣其紕今素

衣作絲衣傳云絲衣祭服也紕絜鮮貌段玉裁云絲衣乃篇名素恐譌字此謂士爵弁元衣纁裳非白衣也案此亦毛與三家之異鄭箋以下載弁爲爵弁故段云然三家作素衣則皮弁服也安在絲是而素非乎小雅雨無正篇名也剝器之謂韓詩作雨無極是不必篇名盡同絲正而素譌也

載弁俅俅

人部俅冠飾兒从人求聲詩曰弁服俅俅今弁服作載

弁或所據毛如此或三家作服弁也案爾雅釋訓云
俅俅服也郭注云謂弁服據儀禮士冠禮祝辭始加
曰始加元服再加曰乃申爾服三加曰咸加爾服鄭
注云謂緇布冠皮弁爵弁也是弁得稱服也又釋言
云俅戴也郭注云詩曰戴弁俅俅據爾雅文蓋此詩
本有二讀一讀服弁俅俅故釋訓云俅俅服也一讀
戴弁俅俅故釋言云俅戴也是其所見本異故分釋
之許所引同釋訓所據之本今戴作載者箋云載猶
戴也釋名云載戴也在其上也則載戴字通俅又或
作綵釋文云俅音求恭慎也傳云恭順貌說文作綵同是
說文糸部綵篆下引詩作載弁綵綵今脫之陸所據

有之假借字也

駟駟牡馬在坰之野

魯頌駟駟牡馬在坰之野傳云駟駟良馬腹幹肥張也
林外曰坰釋文云駟古熒反說文作驍又作駢同今
許書馬部駟下曰牧馬苑从馬同聲詩曰在駟之野
則駟爲坰之異文其釋駟與毛絕異其驍下云良馬
也从馬堯聲下未引詩蓋脫之駢下云馬盛肥也从
馬光聲詩曰四牡駢駢今詩無此文以陸云說文又
作駢推之是本作駢駢牡馬今本誤也玉篇云駢古
熒反馬肥壯盛貌又駟云同上又牧馬苑也顧以許
作駢毛作駟故以駟同駢而以牧馬苑爲駟之又一

義是顧所據說文作駢駢牡馬矣此及驍下引驍驍
牡馬駢下引在駟之野俱三家詩但驍音古堯反不
與駢駢同音陸謂同古堯反蓋傳寫有脫誤

有驕有皇

馬部驕驍馬白膀也从馬喬聲詩曰有驕有驍今本驍
作皇傳云驍馬白膀曰驕黃白曰皇本爾雅釋畜文
然釋畜皇作驍郭注云詩曰驍駟其馬今豳風東山
驍亦作皇蓋古文省驍爲皇許書馬部無驍字當據
驕下注所引及爾雅毛傳說補之

言采其蒹

艸部蒹蒹葵也从艸𠂔聲詩曰言采其蒹案𠂔古文酉

字則茆當讀柳今泮宮詩从卯作茆讀卯者誤也釋文云茆音卯徐音柳𠂔𠂔字形相似故从𠂔从𠂔之字易混玉篇云茆閬酉切茂盛貌又鳧葵也詩曰言采其茆或𠂔絞切又茆云同上出說文是顧所見詩已作茆而以茆爲出說文然尙承舊音讀以𠂔絞爲或讀至釋文卯音行而字之形聲俱非此當據許所引以訂正經字也

憬彼淮夷

瞿部嬰佳欲逸走也从又持之嬰嬰也讀若詩云疆彼淮夷之疆今本疆作憬傳云遠行貌案許書心部憬下曰覺悟也从心景聲詩曰憬彼淮夷此引同今本

釋文云憬說文作應音獮云濶也一曰廣大也今許書心部應篆下不引詩蓋脫之是許所見詩又作應彼淮夷也廣濶之訓與毛遠行義近李善文選安陸王碑注引韓詩云獮彼淮夷薛君云獮覺悟之貌與許憬字訓說合毛作憬韓作獮則作應者齊魯詩矣廣濶之義疑卽齊魯說其字从廣从心亦當有說爲覺悟者韓假獮爲應耳獮本訓爲犬獮獮不可制也从犬廣聲無覺悟義也矍字注引作穰蓋獮字之誤

植穉菽麥

禾部植早種也从禾直聲詩曰植穉未麥今閼宮未作菽後起字也許書未部未下曰豆也象未豆生形

實始翦商

戈部戠滅也从戈晉聲詩曰實始戠商今本戠作翦傳

云齊也箋云斷也案許書羽部翺下曰羽生也一曰

矢羽也从羽𠄎聲

𠄎隸作前

此翦之本義刀部剗下曰齊

斷也从刀𠄎聲毛鄭訓翦爲齊斷則剗之假借矣許

引詩作戠蓋三家詩與剗音同義近後儒據爾雅釋

詁翦齊戠福之訓謂翦商爲太王自遷岐始能光復

祖宗修朝貢之職勤勞王事戠商爲太王始受福於

商而大其國說雖甚美要與下文義不相連綴矣

鞀鼓淵淵

鼓部鞀鼓聲也从鼓淵聲

淵淵或省字

詩曰鼗鼓鞀鞀今商

頌那作鞀鼓淵淵案許書革部鞀下曰遼也从革召
 聲又鞀云鞀或从兆又鼗云鞀或从鼓兆又磬云籀
 文鞀从殼召殼籀文磬是鞀鼗同字今經典惟月令作鞀
 籀文磬周禮以為韶字矣小雅采芑伐鼓淵淵傳云
 鼓聲也魯頌有駟鼓咽咽傳云鼓節也彼釋文云咽
 本又作鼗同烏元反又於巾反文選東京賦雷鼓鼗
 鼗李善注引詩作鼓鼗鼗即鼗之變耳淵咽皆假借
 字

亦有和羹

粥部粥音歷 粥五味盃羹也从粥从羔詩曰亦有和羹又
 齏云齏或省又齏云或从美齏省又羹云小篆从羔

从美案許書皿部盂下曰調味也从皿禾聲此盂
正字今烈祖作和羹後所易字也其鬻鬻等字則三
家之異文也

敷政優優

攸部

攸催緩
二音

憂和之行也从攸惠聲詩曰布政憂憂今

長發作敷政優優傳云優優和也案許書心部惠下

曰愁也从心从頁

頁頭也

人部優下曰僥也从人憂聲

蓋惠从心見於頭面故其字从心从頁惠者之行必
和故惠加攸爲和行和者從容不迫故憂加人爲僥
裕此字之孳乳相生可尋者毛以優爲憂而俗以憂
爲惠於是惠字廢而憂之爲和莫有知其義者春秋

繇露循天之道篇云中和者天地之美德達理也聖人之所保守也詩曰不剛不柔布政優優非中和之謂與亦說優爲和也廣雅釋訓云憂憂行也廣雅多今文家學蓋謂行政之和耳許所引疑三家詩布敷古字通左氏成二年傳引亦作布

百祿是適

手部拏束也从手𤍎聲詩曰百祿是拏今本拏作適傳云適聚也案爾雅釋詁云拏聚也釋文云拏孫子由反郭音適許書𠂔部適下曰迫也从𠂔西聲又適云適或从酉與拏音義俱相近亦卽聚義也此亦毛與三家之異許書手部有摛字云聚也从手酉聲此當

爲猶聚正字孳遁均猶之假借與

武王載旆

土部坡治也一曰畱土謂之坡詩曰武王載坡一曰塵
兒从土戈聲今長發坡作旆傳云旆旗也案荀子議
兵篇引作武王載發楊倞注云發讀爲旆韓詩外傳
亦作發荀子授詩於毛公則毛詩當亦作發假爲旆
也小雅六月白晝央央則借晝爲之疏云晝與旆古
今字許引此作坡蓋齊魯詩戈發古通故毛韓作發
齊魯作坡今作旆後所易字也

說文引經攷異卷十三

丹徒柳榮宗議

周禮

夏行脰鱮膳膏臊

肉部臠乾魚尾臠臠也从肉肅聲周禮有脰臠魚部鱮
鮓鱮也从魚臬聲周禮曰膳膏鱮今天官庖人臠作
鱮鱮作臊禮記內則鱮臊字亦然偏旁與許互易據
許脰字注云北方謂烏腊曰脰鄭司農以爲乾雉从肉居聲
則魚腊爲臠字當从肉鮓鱮本魚臭引伸爲凡鮓鱮
之稱則鱮當从魚今互易其偏旁誤也

以家邑之田任稍地

邑部能國甸大夫稍稍所食邑从邑肖聲周禮曰任郇
地在天子三百里之內今地官載師郇作稍鄭注云
故書稍或作削案天官太宰以九賦斂財賄四曰家
削之賦鄭注云家削三百里謂去國三百里即許云
在天子三百里之內也
釋文云削本亦作稍又作郇所教反徐所召反是削
稍郇其字錯出依許則郇爲正字稍爲郇之字訓削
則郇之假借字也

以鬴辜祭四方百物

刀部副判也从刀畱聲

畱伏逼
二音

周禮曰副辜祭又鬴云

籀文副今大宗伯作鬴从籀文也鄭注云故書鬴爲
罷鄭司農云罷辜披磔牲以祭元謂鬴鬴牲胃也鬴

而磔謂磔禳及蜡祭釋文云𠂔芳通反一音方麥反
罷如字一音芳皮反案詩大雅生民不圻不副禮記
曲禮爲天子削瓜者副之及此副辜爲副之本音本
義今則用爲副貳字而分判字則作劈顏師古匡謬
正俗云副貳之字本爲福从衣畱聲俗呼一襲爲一
福衣是也書史假借遂以副字代之副本音普力反
義訓破劈字或作𠂔學者不知有福字以副貳爲正
體詩不圻不副乃以朱點發副字今案漢人多以副
爲副貳字惟史記龜策傳邦福重寶集解徐廣曰福
音副藏也文選西京賦仰福帝居薛綜注云福猶同
也福字始見於此其以之爲副者則尹宙碑云位不

福德魏大饗碑云以福海內欣戴之望外此則罕見
矣顏說未盡得也蓋副貳之字卽生於副判猶量平聲
度入聲之生於度量也副之本音本義今人鮮有知者
故因許所據周禮而附箸之

朝踐用兩獻尊

酋部算酒器也从酋卅以奉之周禮六尊犧尊象尊著
尊壺尊大尊山尊以待祭祀賓客之禮此約舉春官
司尊彝文也犧尊今本作獻尊鄭司農云獻讀爲犧
犧尊飾以翡翠釋文獻本或作戲注作犧同素何反
案魯頌閟宮犧尊將將毛傳云犧尊有沙飾也釋文
云犧鄭素何反毛云有沙飾則宜同鄭禮記明堂位

云尊用犧象鄭注云犧尊以沙羽爲畫飾釋文犧沙
皆素何反疏引鄭荅張逸云刻畫鳳皇之象於尊其
形娑娑然故曰沙明堂位又云周獻豆鄭注云獻疏
刻之則獻亦讀素何反案獻尊獻豆之獻當爲戲之
誤古犧與戲通故伏犧或爲宓戲而犧尊亦作戲尊
司尊彝釋文謂獻本或作戲是也毛詩傳先後鄭禮
注俱讀爲娑古義如此王肅始爲異義如字讀之
見詩釋文許周禮作犧蓋據先鄭讀故牛部載賈侍中說以
爲犧非古字則王讀非也

右漆几

几部几踞几也象形周禮五几玉几彤几彤几髹几素

几此約舉司几筵文今本𦵏几作漆几許書𦵏部𦵏
下曰𦵏也从𦵏𦵏聲𦵏𦵏𦵏居由切則𦵏几卽𦵏几
矣據水部則漆爲水名經典𦵏字皆以漆爲之𦵏字
遂廢

𦵏夢

𦵏部𦵏寐而覺者也从𦵏从𦵏夢聲周禮以日月星辰
占六𦵏之吉凶一曰正𦵏二曰𦵏𦵏今春官占夢字
作夢許書夕部夢下曰不明也从夕𦵏省聲莫空反則
夢義爲蒙昧大雅抑篇視爾夢夢是其本義經典𦵏
寐字皆以夢爲之義亦得通許所據其本字也𦵏今
本作𦵏杜子春云𦵏當爲驚愕之愕謂驚愕而夢許

書無噩字揚子法言有之蓋假借字叩部叩音謹辟下

曰譁訟也从叩叩聲是辟亦無驚恐之義惟𠂔部有

逆字云相遇驚也从𠂔从辟辟亦聲辟讀作𠂔此當爲驚

逆本字辟亦假借字也

孤乘夏篆

車部軻車約軻也从車川聲音旬周禮曰孤乘夏軻今春

官巾車云孤乘夏篆故書夏篆爲夏綠先鄭云夏赤

也綠綠色或曰夏篆篆讀爲主珠之珠夏篆轂有約

也後鄭云夏篆五采畫轂約也據此夏篆卽詩之約

軻許本作夏軻訓爲約軻亦謂約軻也許訓軻云長

轂之軻也以朱約之从車氏聲謂以革約轂而朱其

革也。𠬪篆字殊其義則一。

師都建旗

从部旗熊旗五游以象伐星士卒以爲期从其聲周禮曰率都建旗今春官司常率都作師都鄭注云師六鄉六遂大夫也謂之師都都民所聚也許本師作率疑師爲帥字之誤也率帥通字率古文帥今文也尙書堯典蠻夷率服漢書功臣侯表引作帥服詩周頌噫嘻率時農夫文選東都賦注引韓詩作帥時儀禮聘禮注云古文帥皆作率是也周禮古文作率今文作帥則作師者誤也蓋鄉遂大夫民之表率故曰率都作師義亦通然與率讀不相應也率帥皆假借

字依字當爲達許書彳部達下曰先道也从彳率聲
率部率下曰捕鳥畢也象絲网上下其竿柄也巾部
帥下曰佩巾也从巾自音堆行部衛下曰將衛也衛當爲衛
誤字从行率聲此將帥本字也字本各別今達道達循
將衛字皆假率帥字爲之達衛字遂廢

以授射甲革槡質者。以授射豸侯鳥獸者

弓部弓以近窮遠象形周禮天子六弓王弓弧弓以射
甲革甚質夾弓庾弓以射干侯今夏官司弓矢甚作
槡干作豸鄭注云質正也樹槡以爲射正豸侯五十
步又留師職云射則充槡質杜子春讀槡爲齊人言
鉄槡之槡槡質所射者習射處案史記蔡澤傳不足

以當樅質索隱云樅莖樅杜讀蓋謂此許引樅作甚
豻作干皆古文省假許書木部無樅字蓋脫之

赤友氏

鬼部魃旱鬼也从鬼友聲周禮有赤魃氏除牆屋之物
也詩曰旱魃爲虐今秋官赤魃作赤友鄭注云赤友
猶言抹拔也主除蟲豸自埋者案其職云掌除牆屋
以蜃炭攻之以灰酒毒之許云牆屋之物以所據作
赤魃氏推之則物蓋謂精物鬼物也義與鄭異疑賈
侍中說

欲其眼也

車部輶

音

輶齊等兒从車昆聲周禮曰望其輶欲其輶

今攷工記輪人作欲其眼也鄭注云眼出大貌也鄭司農云眼讀如限切之限釋文云眼魚懇反許所據蓋亦賈逵周禮解義也輶从昆昆義爲同故輶爲齊等之貌

凡揉身外不廉

火部嫌火煠車罔絕也从火兼聲周禮曰煠身外不廉案攷工記云輪人凡揉身外不廉而內不挫旁不腫謂之用火之善鄭注云廉絕也挫折也腫癭也段玉裁云絕謂火絕外謂火內謂正當火處旁謂不當火處煠之不善則當火處撓減不當火處暴起畏此二者或絕火而更煠若火未絕而無此二病是真用火

之善也案段說最爲明瞭許引揉作𣎵廉作𣎵者揉
本俗字許書手部無之其訓𣎵云屈伸木也从火柔
柔亦聲夫曲直其木必以火故字从火从柔不从手
而柔不僅取聲亦兼取義引伸爲凡屈伸之稱易繫
辭上傳揉木爲耒漢書食貨志引揉作𣎵許引攷工
記揉亦作𣎵是經字本作𣎵則从手之字起於漢以
後矣𣎵者正字廉其省假也車网卽𣎵鄭司農注𣎵
也者以爲固抱也云𣎵讀如跛者𣎵跛者之𣎵謂輪
𣎵也世閒或謂之𣎵書或作𣎵

句兵欲無彈

人部憚疾也从人單聲周禮曰句兵欲無憚今攷工記

廬人俾作彈鄭注云故書彈作但鄭司農云但讀如
彈尤之彈彈謂掉也案許本作俾卽故書之但也古
字單與亶通亶與但通詩周頌昊天有成命篇單厥
心周語引單作亶商書盤庚誕告用亶釋文云亶馬
本作單而漢書多以亶爲但老子云緝然而善謀釋
文云緝然梁王尙鍾會孫登張嗣本作坦河上本作
墀則單更與亶通矣疑古單旦通黃病字爲疸漢書
嚴助傳南方暑溼近夏墀熱師古注云墀黃病字从
單以此例之則俾卽但蓋據賈逵讀今本作彈據先
鄭讀耳

廟門容大局七个

鼎部鼎以木橫貫鼎耳舉之从鼎一

聲本作

周禮廟

門容大鼎七個卽易玉鉉大吉也今攷工記匠人

作局案局从同聲鼎从一聲音讀不相通且鼎爲鼎

蓋非以木貫鼎耳舉之之謂也段玉裁云鼎當从鼎

尸聲與局同音

尸卽埤字古文作

禮經十七篇多言

局鼎注多言今文局爲鉉古文鼎爲密局者假借字

鼎者正字鉉者音近義同字也以木橫貫鼎耳是曰

鼎鼎橫貫於鼎蓋之上故禮經先言抽局乃復取鼎

猶局爲戶外之闕故或以局代之大小徐本篆皆作

鼎解作一聲以鼎蓋之音加諸橫貫鼎之鼎誤矣鼎

見禮經所以覆鼎以茅爲之鼎正字也禮經作密假

借字也許引周禮作𩚑金部鉉下曰所以舉鼎也易
謂之鉉禮謂之鼎𩚑亦當作𩚑案段說是也許書蓋
有𩚑𩚑二篆後𩚑誤𩚑校者不察遂刪𩚑篆及字訓
故致音義乖舛玉篇多本說文其鼎部𩚑下曰𩚑狄
切覆樽巾也又鼎蓋也蓋以說文木橫貫鼎耳之說
與𩚑不相應故不用之是其脫誤久矣

儀禮

鉶莛牛藿羊苦

艸部莛地黃也从艸下聲音戶禮記鉶毛牛藿羊莛豕薇
是案所稱禮記謂儀禮也今儀禮公食大夫禮毛作
莛莛作苦禮記內則雉兔皆有莛鄭注云莛謂菜醢

也則毛當从艸許引作毛假借字也鄭儀禮注云苦
苦菜也今文苦爲芻又士虞禮及特牲饋食禮皆云
鉶芻用苦若薇注並云今文苦皆爲芻是許所引今
文也

質明行事

日部哲昭哲明也从日折聲

古文折作斷从斤斷
艸篆文从手作折

禮曰

哲明行事段玉裁云許序例云其稱禮周官禮儀禮
也周官周禮士冠禮宰告曰質明行事鄭注云質正
也許所據作哲以戴記禮器昏義兩言質明行事推
之戴記爲今文則知儀禮今文作質明作哲明者古
文也鄭注不言古文作哲者從其略也

月令

注雨蚤降

雨部霰小雨也从雨衆聲明堂月令曰霰雨今本月令
季春之月云行秋令則天多沈陰注雨蚤降鄭注云
淫霖也今月令曰衆雨案鄭月令注每稱今月令蓋
卽明堂月令也鄭所據作衆卽霰之省霰雨卽淫雨
義當爲大許訓爲小雨玉篇亦云疑誤

腐草爲螢

虫部

虺音

蠲馬蠲也从虫目益聲彡象形明堂月令曰

腐艸爲蠲今月令季夏之月蠲作螢鄭注云螢飛蟲
螢火也逸周書時則訓亦云大暑之日腐草化爲螢

惟呂氏春秋季夏紀作腐草化爲蜉蝣高誘注云蜉蝣馬
蜧也蜉讀如蹊徑之蹊幽州謂之秦渠一曰螢火也
馬蜉卽馬蠲許所據明堂月令與呂氏春秋合明堂
月令者月令疏引鄭三禮目錄云此於別錄屬明堂
陰陽記案別錄者劉向所記漢書藝文志云成帝時
以書頗散亡使謁者陳農求遺書於天下詔光祿大
夫劉向校經傳諸子詩賦每一書已向輒條其篇目
撮其指意錄而奏之此卽所謂別錄也別錄今亡而
藝文志禮十三家有明堂陰陽三十三篇班固自注
云古明堂之遺事此卽別錄之明堂陰陽記也月令
在其中故謂之明堂月令許所據當卽此也蔡邕有

明堂月令論謂月令爲周公作鄭目錄謂本呂氏春秋十二月之首章以禮家好事抄合之後人因題之名曰禮記案藝文志書九家有周書七十一篇班固自注云周史記卽今所傳逸周書也中有月令解時訓解月令解今亡時訓解云大暑之日腐草化爲螢與今月令腐草爲螢合則入禮記者疑卽周書之月令故蔡邕以爲周公作要之月令古有其書周史取以入周書爲明堂陰陽者取以入其記呂氏春秋取以冠十二篇之首非禮家抄合呂紀以入禮記也所傳本有不同故許所引明堂月令往往與今異

命漁師

舟部舫船師也明堂月令曰舫人習水者从舟方聲

南

切案月令季夏之月命漁師伐蛟鄭注云今月令漁

師爲舫人舫人卽舫人也卽漁師之異文也舫爲正

字舫其假借字舫音蒲肯反所以輔弓弩者

見許書木部

李舟切韻一音北孟反進船也一音北朗切木片也

自此二音行而舫字本音木義遂廢文選司馬相如

上林賦云吹鳴籟舫人歌郭璞注引張揖曰舫船也

月令曰命舫人舫人船長也張所據月令與鄭所云

今月令合鄭注每稱今月令蓋卽明堂陰陽記之月

令上林賦注所引亦然故皆與許同孔穎達謂月令

出有先後入禮記者爲古不入禮記者爲今則呂氏

春秋是也今案呂氏季夏紀作命漁師則今月令非
斥呂氏春秋矣

數將幾終

人部儻精謹也从人幾聲明堂月令數將儻終今月令
季冬之月儻爲幾鄭注云近也高誘呂氏春秋注同
段玉裁云許作儻訓爲精謹儻離雙聲凜凜庶幾之
意引伸之亦得爲近與幾同義

說文引經攷異卷十四

丹徒柳榮宗撰

春秋左氏傳

不義不暱

黍部黏也从黍日聲春秋傳曰不義不黏又黏云黏
或从刃今左氏隱元年傳黏作暱案周禮攷工記弓
人云凡昵之類不能方故書昵或作櫪杜子春云櫪
讀爲不義不昵之昵或爲黏黏也杜引又作昵許
書日部暱下曰日近也从日匿聲又昵云或从尼則
昵卽暱是杜所據左氏與今本同其云或爲黏是其
所見左氏又作黏與許所據或本合許云黏黏也杜

云𪚩黏也皆左氏家說𪚩𪚩音同義近段玉裁謂杜
子春說弓人昵或爲𪚩爲周禮或作字不知杜本用
故書作𪚩其云𪚩讀爲不義不昵之昵者擬其音也
云或爲𪚩者謂左氏昵又作𪚩引之者說其義也倘
周禮本又作𪚩則杜當云𪚩或爲𪚩卽先引左氏以
擬其音下亦當云書亦或爲𪚩杜注周禮凡言讀爲
某下載本經或作字皆云書亦或爲某其例如此此
不云書亦則非周禮或作字矣證以許引左氏或本
之𪚩則或爲𪚩謂左氏審矣

芟夷蒞崇之

𪚩部

音撥隸
作𪚩

𪚩以足蹋夷𪚩也从𪚩从𠂔春秋傳曰發

夷蘊崇之今桓六年傳發作芟杜預注云芟刈也案
許書艸部芟下曰刈艸也从艸从殳是芟从殳取義
而讀若杉發从𠂔取義而讀若撥同是去艸而音義
絕殊賈服本不可見許从賈達受古學其作說文又
攷之於達則賈左氏解詁作發夷矣周禮地官稻人
凡稼澤夏以水殄草而芟蕒之鄭注云鄭司農說芟
夷以春秋傳曰芟夷蘊崇之今時謂禾下麥爲蕒下
麥言芟刈其禾於下種麥也是先後鄭所見左氏俱
作芟與今本同蓋从𠂔从艸形相近釋古文者或讀
爲發或讀爲芟耳許鄭蘊俱作蘊古字通

歆如忘

欠部歃歃也从欠𠂔聲春秋傳曰歃而忘今隱七年傳而作如杜注云忘不在於歃血釋文音忘爲亾亮反夫既歃血矣卽志意不屬不得云如忘其事也疏引服虔注云如而也臨歃而忘其盟載之辭言不精也案如與而古通用服本作如解爲而許所據正作而服義爲長

鄭太子忽

日部𠂔出氣詞也从日象氣出形春秋傳曰鄭太子𠂔又曰云籀文𠂔一曰佩也象形案鄭太子𠂔見自桓六年今作忽許書心部忽下曰忘也从心勿聲與𠂔音同義異漢字則𠂔忽通用漢書揚雄傳於時人皆

召之樊毅碑奄召減形以召爲忽鄭太子名召未審其取義論語仲忽漢書古今人表作仲召然則人名俱爲召也許左氏作召今作忽後所易字也據許一曰佩也象形之說此蓋象笏本字許書竹部無笏字尙書皋陶謨在治忽鄭本作召史記集解引鄭注云召者臣見君所秉書思對命者也君亦有焉是象笏字古作召召之言勿也忽也書思對命所以使勿忽忘也

齊人餽諸侯

米部氣饋客之芻米也从米气聲春秋傳曰齊人來氣諸侯又疑云氣或从既又餽云氣或从食案桓六年

傳北戎伐齊於是諸侯之大夫戍齊齊人饋之餼又
十年傳云齊人餼諸侯字俱作餼許書气部气下曰
雲气也象形此形氣本字自以气爲乞求字以廩氣
爲形气字專用餼爲廩氣字又用爲凡生物之稱左
氏當从許作氣以饋客芻米訓之此古文古說也杜
作餼桓六年傳注但云生日餼殊未明晰

除道梁澁

水部澁水在漢南荊州浸也从水差聲春秋傳曰脩涂
梁澁案莊四年傳云楚伐隨除道梁澁脩涂作除道
周禮職方氏鄭注引春秋傳曰楚子除道梁澁營軍
臨隨引同今本許本作脩涂與除道字異義同

齊人滅譚

邑部黽國也齊桓公之所滅从邑覃聲案莊十一年經云齊師滅譚字从言公穀及衛風碩人亦作譚白虎通宗族篇引詩則作覃省假字也許書言部無譚字而注引譚長說譚姓出於鄆談姓出於郟均以國爲氏者傳文鄆已从言而郟猶从邑今談姓則易邑从言字之變遷有不可究詰者類如此

女摯不過榛栗棗脩

木部柔實如小栗从木辛聲春秋傳曰女摯不過柔栗今莊二十四年傳柔作榛凡周禮禮記柔栗字俱爲榛許注榛云木也从木秦聲一曰叢木也柔榛音同

義別以榛爲柔而柔字遂廢許所據古文本字也

齊侯來獻戎捷

手部捷獵也軍獲得也从手走聲春秋傳曰齊人來獻

戎捷

止部兼疾也从止从又又手也申聲捷捷从此又走云機下足所履者从止从又入聲音聶隸

變走作走與走無別今莊三十一年經齊人作齊侯公穀經亦

然許本左氏作人疑是也獻捷非齊侯親來經書齊

侯恐誤

虍涼

牛部虍白黑襍毛牛从牛虍聲惊虍牛也从牛京聲春

秋傳曰虍惊此卽閔二年傳之虍涼也案許書犬部

虍下曰犬之多毛者从犬从彡

彡毛飾畫文也虍是

尨本無襍義𦍋爲白黑襍毛牛則尨襍字當爲𦍋傳云尨涼冬殺金寒玦離以涼釋尨不惟與金寒意複且尨義不得爲涼也據許所據傳作𦍋𦍋上尨服當亦作𦍋許訓𦍋爲𦍋牛廣韻云𦍋𦍋牛駁毛蓋𦍋又襍毛牛之駁者則𦍋𦍋字可引伸爲襍駁之義傳以𦍋釋𦍋謂襍必駁耳許於釋本義下引傳文見引伸之義也

次于聶北

品部𦍋多言也从品相連春秋傳曰次于𦍋北讀與聶同案今春秋僖元年三傳經俱作聶北許引作𦍋蓋左氏春秋古經如此知者許書引國語則稱春秋國

語引公羊傳則稱春秋公羊傳引左氏則止稱春秋
傳此引春秋傳曰次于岳北知爲左氏經矣公穀作
聶故許云讀與聶同今左氏作聶非許所據古經也
岳爲多言聶爲附耳私小語岳聶音同義亦相近

無以縮酒

酉部舊禮祭束茅加于裸圭而灌鬯酒是爲舊像神歆
之也从酉从艸春秋傳曰爾貢包茅不入王祭不供
無以舊酒今僖四年傳舊作縮案周禮春官甸師祭
祀共蕭茅先鄭注云蕭或爲舊舊讀爲縮束茅立之
祭前沃酒其上酒滲下去若神飲之也故謂之縮縮
浚也故齊桓公責楚不貢包茅不入王祭不共無以

縮酒先鄭注禮引傳作縮鄭注郊特牲引亦然許所據爲茜蓋古文正字詩小雅伐木傳云潛茜之也是毛亦用茜縮則同音假借字也

受玉情

心部情不敬也从心靖省聲春秋傳曰執玉情又情云情或省盲案僖十一年傳云天王使召武公內史過賜晉侯命受玉情許所據受作執國語云晉侯執玉卑許左氏與國語合經典情皆爲情从或省字

隕石于宋五

石部碩落也从石員聲春秋傳曰碩石子宋五案春秋僖十六年左穀經俱作隕公羊則作實此引春秋傳

斥左氏也字作碩與今本異爾雅釋詁云隕碩落也
郭注云碩猶隕也許書自部隕下曰从高下也从自
員聲易曰有隕自天則隕碩音義並同雨部霑下曰
雨也齊人謂霑爲霑从雨員聲一曰雲轉起也公羊
作霑爲同音假借字

駢脅

骨部駢并脅也从骨并聲晉文公駢脅今僖二十三年
傳作駢脅杜注云駢脅合幹釋文云駢薄賢反說文
云駢并脅也案許書馬部駢下曰駕二馬也从馬并
聲無并脅之訓據釋文蓋傳本作駢後易駢爲駢因
並釋文而改之遂與所引說文不相應釋文蓋本云

餅薄賢反說文云餅并脅也玉篇骨部餅步田切餅
脅也不言或作駢是可證傳本作餅而易駢爲駢在
唐以後矣

天子有事膳焉

炙部籒宗廟火孰肉从炙番聲春秋傳曰天子有事籒
焉以饋同姓諸侯今僖二十四年傳籒作膳案經典
用燔熱之燔爲籒炙字籒肉之籒則作膳燔或借字
膳則俗書也左氏釋文云膳周禮字又作籒此與許
所引皆古文之僅存者其云以饋同姓諸侯今傳無
其文段玉裁云此當在宗廟火孰肉下下引春秋傳
見異姓亦有歸籒之事今本爲寫者舛誤耳

列傳十四
鄉役之三月

日部鼎不久也从日鄉聲春秋傳曰鼎役之三月今僖二十八年傳作鄉役鼎之省也經傳皆以鄉爲鼎杜注左氏云鄉猶屬也失其義矣

瓊弁玉纓

玉部璿美玉也从玉睿聲春秋傳曰璿弁玉纓今僖二十八年傳璿作瓊杜注云瓊玉之別名案文選張衡西京賦璿弁玉纓此亦用傳文與許所引合穆天子傳重黿氏之所守枝斯璿瑰郭注云璿瑰玉名左氏傳曰贈我以璿瑰此引成十八年傳文今本亦作瓊瑰璿瓊字相亂璿是而瓊非也蓋傳本作璿或又作

馬部駮

小徐本作馮

赤鬣編身目若黃金名曰駮昔皇之乘

周文王時犬戎獻之从馬从文文亦聲春秋傳曰駮馬百駮畫馬也西伯獻紂以全其身案許前所據本山海經海內北經及周書王會解文文王時當作成王時其云西伯獻紂事見尙書大傳今本駮皆作文春秋傳則左氏宣二年傳文也今本亦作文許所據作駮而宋之駮馬則非吉皇之乘其字亦作駮故許辨之云畫馬也蓋本賈逵說向嘗謂古人字少意主於通今人字多意主於別乃流俗日趨簡易字之通省假借反多於古豈能一一釐正之哉

楚人碁之

廿部卑舉也从廿田聲

田音弗木作田鬼頭也段玉裁云田非聲上當从田案段說是

也田音田

春秋傳曰晉人或以廣墜楚人卑之黃顗說廣

車陷楚人爲舉之杜林以爲騏驎字今宣十二年傳

卑作基杜注云基教也案卑其古字通許書糸部緦

下曰帛蒼艾色从糸卑聲詩曰縞衣綈巾又綦云綈

或从其是其證也而漢碑其字多作卑蓋左氏古文

本作卑或釋爲其讀爲基後遂書作基猶周頌昊天

有成命之夙夜基命宥密禮記孔子閒居引基作其

是詩本作其注家釋爲基其後詩遂作基也杜林以

爲騏驎字以其卑通字也黃顗則以卑从廿釋爲舉

實勝杜說其本籀箕字古文作廿作卑籀文作箕借

爲語詞鐘鼎款識多作𩺰又作𩺱卽今其字也古又以𩺰爲其故其𩺰字通

取其鯨鯢

魚部鱣海大魚也从魚𩺰聲春秋傳曰取其鱣鯢又鯨云鱣或从京今宣十二年傳作鯨鯢許所見或本作也詩鄘風楚邱京與桑臧韻莊十二年懿氏卜妻敬仲繇辭京與鱣昌韻蓋古讀京如𩺰𩺰亦讀如京故从𩺰从京之字每互通許書鹿部麋下曰大鹿也从鹿𩺰聲又麋云或从京是其證也

地反物爲妖

示部祲地反物爲祲也从示𠂔聲案宣十五年傳云天

反時爲災地反物爲妖許用傳語而不稱春秋傳爲許書之又一例祇其正字今經典通用娛又省作妖所謂俗書通省假借反多於古也

隕子辱矣

手部扠有所失也从手云聲春秋傳曰扠子辱矣今成二年傳扠作隕案爾雅釋詁云隕落也許云隕从高下也與失義相近故隕可假爲扠而扠亦可假爲隕戰國策被礪礪引微繳折清風而扠矣以扠爲隕也韓厥執繫馬前

馬部馬絆馬也从馬口其足

口音

春秋傳曰韓厥執鬻

前讀若輒又繫云馬或从糸執聲今成二年傳作韓

厥執繫馬前臧琳經義襍記云古本作執馬前馬卽
繫正字今本譌爲馬又別出繫字繫當爲衍文案作
繫者卽許所見或本非別出字也多馬字者蓋校者
以馬注於其旁後誤入正文又譌爲馬耳當據許所
引刪馬字

楚子登巢車

車部輶兵車高加巢以望敵也从車巢聲春秋傳曰楚
子登輶車今成十六年傳作巢車杜注云巢車車上
爲櫓釋文云巢說文作輶云兵車高如巢以望敵也
釋文引許加巢作如巢今本疑誤然左氏疏引說文
亦作加巢當卽杜車上爲櫓之義字宜从許作輶

生澆及豷

豕部豷豕息也从豕豷聲春秋傳曰生敖及豷今襄四年傳敖作澆案論語澆又作莽莽與傲通許本作敖當讀爲傲今作澆假借字也

會于鄆

阜部

阜篆作阜

鄆鄭地阪从阜爲聲春秋傳曰將會鄭伯于

鄆案襄七年春秋經云公會晉侯宋公陳侯衛侯曹伯莒子邾子于鄆三傳經文並同左氏傳云及將會于鄆子駟相經傳本無鄭伯字疑許以此敘鄭事以意增之鄆今作鄆杜注云鄆地許本作鄆以爲阪名地之坡者曰阪故字从阜許書邑部覲下曰地名从

邑爲聲是本有邑名鄒者與隅截然有別今傳文从邑恐誤

所以從先君于禰廟者

穴部窀穸之厚夕也从穴屯聲春秋傳曰窀穸從先君於地下案襄十三年傳云楚共王疾告大夫曰唯是春秋窀穸之事所以從先君於禰廟者請爲靈若厲地下作禰廟與許本異案以上春秋窀穸之事言之則作地下是也以下爲靈若厲言之則作禰廟是也此所傳本異

瘼狗入于華臣氏

犬部獬狂犬也从犬𢇇聲春秋傳曰獬犬入于華臣氏

之門案襄十七年傳云國人逐瘕狗瘕狗入于華臣
氏獬作瘕無之門二字漢書五行志引亦無之門字
而瘕則作獬則今之瘕非古也哀十二年傳云國狗
之瘕無不噬也字亦當爲獬許書尸部無瘕字有瘕
字云小兒瘕瘕病也从心𢇇聲心部又無𢇇字大徐
謂當从疒从心契省
聲尺則瘕當爲瘕蓋犬之狂者必掣縱故以瘕爲之
世切後譌爲瘕耳當以許及漢書所引爲正至許本多之
門二字於文爲足宜從之

說文引經攷異卷十五

丹徒柳榮宗誤

春秋左氏傳

輔櫟

忝部櫟動也从忝樂聲讀若春秋傳曰輔櫟案襄二十四年傳楚子伐鄭晉侯使張骼輔櫟致楚師字从足許書足部無櫟字是左氏古文本从忝若然則荀櫟亦當爲櫟

部婁無松柏

冒部附婁小土山也从冒付聲春秋傳曰附婁無松柏今襄二十四年傳附作部杜注云部婁小阜釋文云

部蒲口反徐扶口反案風俗通山澤篇云左氏傳云
部婁無松柏言其卑小部者阜之類今齊魯之閒田
中少高仰名之爲部矣仲遠所據傳亦作部解與附
義同玉篇云說文以埵爲埵益字此附作步口切小
土山也以此言之左氏古文本作附部蓋通字許書
邑部部下曰天水狄部从邑音聲蒲口切與附同音自
以附爲附近附益字本義廢而音亦易於是左氏之
附婁字遂以部爲之風俗通之引作部蓋亦後所易
也

以備三恪

心部憲敬也从心客聲春秋傳曰以備三憲今襄二十

五年傳窓作恪隸變也

領之而已

頁部領低首也从頁金聲春秋傳曰迎于門領之而已
案襄二十六年傳說衛獻公反國大夫逆於竟者執
其手而與之言道逆者自車揖之逆於門者領之而
已領作領杜注云領搖頭貌釋文云領本又作領五
感反陸所見又作本與許同作領是也領字今訓爲
頤許云面黃也从頁含聲胡感切與領音義各殊則
傳之領非其義也領爲低首領之者謂但低其首如
今俗點頭然杜以爲搖頭誤矣逆於門許本作迎則
逆於竟及道逆之逆蓋俱作迎釋言云逆迎也

公孫段

石部礲厲石也从石段聲春秋傳曰鄭公孫礲字子石
乎加切案襄二十七年傳有公孫段許所據爲礲礲
當爲礲字之誤也詩大雅公劉取厲取鍛釋文云鍛
本又作礲丁亂反說文云礲厲石據陸引說文作礲
音丁亂反則今本說文作礲音乎加切者誤也玉篇
云礲都亂切厲石也亦本說文字正从段許傳本作
公孫礲今本作段許書殳部段下曰椎物也从殳
省聲則作公孫段與子石字不相配許作礲古文本
字也鄭印段亦字子石許本亦必作礲矣

或叫於宋大廟曰譖譖出出

言部訃大呼也从言ㄣ聲春秋傳曰或訃于宋大廟又
云諛可惡之詞从言矣聲一曰諛然春秋傳曰諛諛
出出今襄三十年傳訃作叫諛作謔案許書口部叫
下曰呼也从口ㄣ聲訃與叫音義並同古今字耳許
訓謔云痛也从言喜聲諛謔同音諛爲歎聲謔爲痛
聲可通假也

翫歲而愒日

心部忼貪也从心元聲春秋傳曰忼歲而愒日今昭元
年傳作翫歲而愒日案許書習部翫下曰習厭也从
習元聲下引春秋傳與今本同此引翫作忼愒作愒
者國語作忼日而愒歲忼愒字同而歲日互倒則許

所引非國語矣釋文云翫本又作忼然則許所見左氏惕又有作漱者翫忼惕漱音義並同

徐儀楚

邑部鄴臨淮徐地从邑義聲春秋傳曰徐鄴楚案昭六年傳云徐儀楚聘于楚楚子執之杜注云儀楚徐大夫字作儀許所據古文作鄴則楚是大夫之名鄴是所食之邑鄴楚蓋以邑爲氏者

使長鬣者相

人部儼長壯儼儼也从人鬣聲春秋傳曰長儼者相案昭七年傳云公如楚楚子享之於新臺使長鬣者相字作鬣杜注云鬣須也欲先夸魯侯攷許書影部鬣

下曰髮鬣鬣也从髟鬣聲

鬣音迅頭會鬣下曰鬣蓋也象形

鬣下曰

毛鬣也象髮在囟上及毛髮鬣鬣之形是鬣屬毛髮言不得謂須爲鬣也且爲動而直上之貌故馬豕項上毛亦稱鬣剛鬣黑鬣等是也須本下垂又不得云鬣矣然則此傳之長鬣與二十七年傳使長鬣者三人之鬣蓋或本假借字許本作儺訓爲長壯貌卽本古左氏說杜於此傳訓爲須於二十七年傳訓爲多鬣須其義恐非

日旰君勤

日部旰晚也从日干聲春秋傳曰日旰君勞今昭十二年傳勞作勤案爾雅釋詁云勤勞也勞勤也二字轉

相訓勤勞同義

闕鞏之甲

石部磬水邊石也从石取聲

取音鞏抱也从取工聲取音戲禁作其

春秋

傳曰闕鞏之甲案昭十五年傳云闕鞏之甲武所以克商也杜注云闕鞏國所出之鎡定四年傳稱分唐叔以闕鞏杜注云闕鞏甲名字皆作鞏許書革部鞏下曰以鞏束也易曰鞏用黃牛之革从革取聲是許所據易孟氏春秋左氏古文鞏磬字各異今本左氏之鞏蓋後所易字也

子齧

齒部齧齒差跌兒从齒佐聲春秋傳曰鄭有子齧案昭

十六年傳稱鄭六卿餞晉韓宣子於郊子齏賦野有
蔓草釋文云齏字林才可士知二反說文作齏云齏
差跌也在河干多二反則子齏卽子齏許書無齏有
齏云齏參差从齒差聲齏卽齏字與齏音義俱相近
但許所據古文則从佐而許書無佐字許左右字作
𠂔又左右卽佐佑字齏从佐聲疑有誤段玉裁云古
人名字相配或以相反爲相應齏者不齊故爲嬰齊
之字也

駟氏聾

心部悽懼也从心雙省聲春秋傳曰駟氏悽今昭十九
年傳悽作聾案許書耳部聾作聾云生而聾曰聾从

耳從省聲𦵏音同而義迥別昭六年傳聳之以行
漢書刑法志引作𦵏晉灼曰𦵏古竦字則班氏所據
左氏聳亦作𦵏特从雙不省耳文選魏都賦吳蜀二
客𦵏焉相顧張載注云𦵏懼也左傳曰駟氏𦵏懼李
善云張以𦵏先壘反今本並作𦵏𦵏大視呼縛反是
張所據賦作𦵏故引左氏駟氏𦵏以證其義之爲懼
賦及注二𦵏字皆𦵏字之誤則漢魏左氏無不作𦵏
者張引多懼字案傳又云駟氏懼張連引之也

澤之萑蒲舟𦵏守之

竹部籒禁苑也从竹御聲春秋傳曰澤之自籒又𦵏云
籒或作𦵏从又从魚案昭二十五年傳云澤之萑蒲

舟𩇨守之或以自𦨇爲萑蒲之異文然與上下文義
不例且自𦨇字難通蓋許所據左氏舟𩇨作舟𦨇自
乃舟之誤耳引傳作澤之舟𦨇者𦨇括之辭或作𩇨
者猶御之古文爲𩇨也𠂔部御下目使馬也从𠂔从
𩇨又𩇨云古文御从又从馬
今傳作舟𩇨卽許所見或作之本而誤𩇨爲𩇨者也
許本作舟𦨇漢時池𦨇字本此漢書宣帝紀詔池𦨇
未御幸者假與貧民蘇林云折竹以繩連絡禁𦨇使
人不得往來律名爲𦨇𦨇卽𦨇也齊主澤之官謂之
舟𦨇義亦當如蘇林所說故字从竹从御漢取此爲
禁苑之稱故許云禁苑下引傳文見其義有所取也
以古文御爲𩇨例之疑左氏古文作𩇨或作𦨇許云

籀或作馭或之一字當作古文二字蓋漢時治古文

者已易馭爲籀

觀周禮注故書某爲某可見

故許先引舟籀後列

古文也或以馭誤爲鮫之說爲鑿謂上言山林之木
衡鹿守之山以鹿名官則澤以鮫名官宜矣不知鹿
爲麓之省謂林屬於山者非麋鹿之謂也且晏子於
山林止言木於澤止言菴蒲官名何取於鹿與鮫乎
況鮫爲海魚齊澤中無是也杜注云舟鮫官名疏謂
鮫大魚之名澤中有水有魚故以舟鮫爲官名也是
沿誤已久當推較許所引是正之

揚徽者公徒

巾部徽徽幟也从巾微省聲以絳帛著於背春秋傳曰

揚徽者公徒若今救火衣然也今昭二十一年傳徽作徽杜注云徽識也釋文云徽許歸反說文作徽云識也案許書糸部徽下曰邪幅也一曰三糾繩从糸徽省聲則徽之本義爲行縢也經典徽識字皆以徽爲之許述左氏作徽乃其本字但揚徽爲旌旗之徽禮記大傳所謂殊徽號者非著於背者也詩小雅六月織文鳥章箋云織徽織將率以下衣皆著焉此卽許所謂著於背者

王室實蠹蠹焉

心部慧亂也从心舊聲

舊聲作春形聲俱失

春秋傳曰王室日瘵

瘵焉一曰厚也今昭二十四年傳作王室實蠹蠹焉

案許書蝱部

蝱音昆

蠱下曰蟲動也从蝱音與蠢音

同義異然蠢爲蟲擾動之貌引伸之亦得爲亂實作日則所據本異

唯是榻柎所以藉幹者

木部榻榻部方木也从木扁聲春秋傳曰榻部薦幹案昭二十五年傳宋元公曰若以羣子之靈獲保首領以沒唯是榻柎所以藉幹者請無及先君杜注云榻柎笊牀也幹骸骨也部作柎薦作藉蓋音聲付聲字古通故襄二十四年傳部婁許引作附婁此傳榻柎許引作榻部

一部容相與語睡而不受也从一从否否亦聲隸作音孫勛音透重文作欽

釋名釋牀帳云薦所以自薦藉也漢書張湯傳注引


服虔云薦藉也薦藉義同

私降昵燕

日部暱日近也从日匿聲春秋傳曰私降暱燕又昵云
暱或从尼今昭二十五年傳暱作昵與許所見或作
本合

鑿而乘他車

金部鑿金聲也从金輕聲讀若春秋傳曰鑿而乘它車
今昭二十六年傳鑿作鑿它作他杜注云一足行也
釋文云鑿遣政反一音磬字林邱貞反案林雍一足
被斷故以一足行而乘他車但今本从金作鑿於義
無取當以許引爲正許書足部無鑿字蓋脫之段玉

裁謂蹇卽脛字謂以脛築地而行夫足旣被斷尙能以脛築地行乎此說之不然者蓋蹇之言蹇也一足行蹇蹇然也它作他者它本蛇字音託何反上古艸居患它故相問無它乎字或从虫作蛇見它部它篆作象形語言轉移則以無它爲無別故之詞又用之以爲彼稱或假佗爲之而赫變又作他與它異字異音又讀蛇爲食遮反非許書無由識其源委矣

貫瀆鬼神

手部損習也从手貫聲春秋傳曰損瀆鬼神今昭二十六年傳損作貫釋文本作慣云本又作貫又作遺案爾釋詁云貫習也皆假借字

嘖有煩言

口部嘖高氣多言也从口𩇛省聲春秋傳曰嘖言段玉裁謂傳無其文恐有舛誤案定四傳衛子行敬子云會同難嘖有煩言杜注云嘖至也許引嘖言當卽此傳之嘖有煩言也許引經傳每多省節此省有煩二字耳言會同高氣多言者衆故云嘖有煩言嘖嘖聲之轉耳

齊人來歸鄆讎

邑部觀魯下邑从邑舊聲春秋傳曰齊人來歸鄆案定十年傳鄆作讎公穀經並同漢書地理志泰山郡剛縣應劭云春秋秋取鄆及闡今闡亭是也又鉅平縣

應劭云左氏傳陽虎入于鄆陽關以叛今陽關亭是也應所引春秋哀八年經左氏定八年傳文也今本鄆皆作謹應所據左氏與許合是左氏古文謹皆作鄆矣鄆之爲譚許之代鄆鄆之作謹古文从邑之字多以从言之字爲之變易之由不能究詰有如此者

天王使石尙來歸賑

示部賑社肉盛之以蜃故謂之賑天子所以親遺同姓从示辰聲春秋傳曰石尙來歸賑此引春秋定公十四年經也云傳者蓋謂左氏春秋有此文耳許所據春秋古經作賑今經典賑字皆从肉作賑俗字也

龜焦

火部𤇀灼龜不兆也从龜火春秋傳曰卜戰龜𤇀不兆
讀若焦今哀二年傳𤇀作焦無不兆二字許所據有
之與下以故兆詢句相應焦作𤇀者龜𤇀本字如此
火部𤇀下云火所傷也从火龜聲龜音又隹云或省
是火所傷曰焦龜不兆曰𤇀𤇀焦同音不同義也蓋
以火灼龜不見坼兆曰𤇀非龜爲火所傷也今本作
焦杜注云兆不成是杜本已爲焦意謂龜傷於火故
渾云兆不成當以許引爲正

𤇀𤇀余在疚

女部嬾材緊也从女𤇀聲春秋傳曰嬾嬾在疚當作今

哀十六年傳作𤇀𤇀余在疚案嬾𤇀古通用詩周頌

嬾嬾在疋許書八部引作熒熒在欠古環營字通韓
非子自環爲私許書八部引作自營爲私故熒聲營
聲字亦互通許書凡部熒下曰回疾也从凡營省聲
引伸爲熒獨謂其衷回無所依也則熒熒爲正字嬾
熒與憊皆假借字許引傳無余字者蓋省節之檀弓
亦云熒熒余在疋也

乘衷甸兩牡

人部佃中也从人田聲春秋傳曰乘中佃一輶車也

也字

據釋文
引補

案哀十七年傳云渾良夫乘衷甸兩牡杜注

云衷甸一輶卿車釋文云甸時證反疏云甸卽乘也
四邱爲甸出車一乘故以甸爲名是古者乘甸同也

兵車一轅而二馬來之其外更有二驂是爲四馬今止乘兩牡而謂之衷乘者衷中也蓋以四馬爲上乘兩馬爲中乘也許本衷佃作中佃古字衷中通許書田部訓甸爲天子五百里地从田包省訓此佃爲中甸佃義殊許意蓋謂中爲中乘一轅車則一轅在中謂之佃故佃訓爲中段玉裁云一轅兩牡則一轅在兩牡之中是亦中也故彙言之曰中佃義亦通

附錄

祭

邑部經周邑从邑祭聲案此卽春秋隱二年祭伯來之祭也許所據从邑今左氏公穀及國語逸周書祭伯

祭公字皆作祭惟穆天子傳有鄒父郭璞注云鄒父
鄒公謀父也穆天子傳亦古文字與許本左氏合

戴

戴故國在陳畱从邑戔聲案此卽隱十年經宋人蔡人
衛人伐戴之戴也公穀經俱作載左氏釋文云載音
再字林作戴云故國在陳畱是陸所據左氏本作載
穀梁釋文云載如字本或作戴是三傳經同惟穀梁
或作戴耳今左氏經傳俱爲戴許書異部戴下曰分
物得增益曰戴从異戔聲車部載下曰乘也从車戔
聲是與戴俱同戔聲而音義則異戴與載同音故以
載易戴不知何以又易爲戴陸謂字林作戴者字林

多本說文戴當爲哉之誤或陸時字林已作戴而校左氏者據以易載自戴行而以國爲氏者形聲俱失矣

絺

郗周邑也在河內从邑希聲案此卽隱十一年傳溫原絺樊之絺也字本从邑此又以絺爲之

許

縣炎帝大岳之允甫侯所封在潁川从邑無聲讀若許案此卽隱十一年經公及齊侯鄭伯入許之許也以許爲鄒惟史記鄭世家有鄒公惡鄭伯于楚之文字作鄒祗此用本字而他書無見者

窮

窮夏后時諸侯夷羿國也从邑窮省聲此卽襄四年傳有窮后羿之窮也以上國邑之名俱見左氏而許未明引字皆从邑或許所書爲左氏本字抑左氏字多省假許所書爲地名正字竊有未審姑附錄於右以爲識者辨焉

春秋公羊傳

躋階而走

𠄎部𠄎乍行乍止也从彳从止讀若春秋公羊傳曰𠄎階而走今公羊宣六年傳𠄎作躋釋文云躋丑略反與躋同一本作𠄎音同陸所見一作本與許合許書

足部無蹠字何休公羊注云蹠猶超遽不暇以次夫
行超遽無次則有忽行忽止之狀何注與許義正相
足彡蹠蓋古今字

昭公於是噉然而哭

𠬞部 𠬞音 𠬞高聲也一曰大呼也从𠬞口聲春秋公羊

傳曰魯昭公𠬞然而哭今昭二十五年傳𠬞作噉何
休注云噉然哭聲貌案許書口部噉下云吼也从口
𠬞聲 噉音 一曰噉呼也與𠬞同聲同義

則闐然公子陽生也

見部覲暫見也从見炎聲 失冉切 春秋公羊傳曰覲然公

子陽生今哀六年傳覲作闐何休注云闐出頭貌案

許書門部闢下云馬出門兒也从馬在門中引伸爲
出頭貌闢規聲之轉

說文引經攷異卷十六

丹徒柳榮宗撰

爾雅

覲髮莠離也

見部覲小見也从見冥聲爾雅曰覲髮莠離今爾雅釋
詁弗作莠郭注云謂草木之叢莠翳薈也莠離猶彌
離彌離猶蒙茸耳孫叔然字別爲義失矣案郭義以
覲髮連文莠離也爲句謂覲髮卽莠離其云孫別字
爲義者謂孫於覲髮莠三字俱訓離也許訓覲爲小
見下引爾雅文是許亦別字爲義則孫與許合今以
其義推之覲者見之離也故爲見之小髮釋文音蒙

卽蒙之假借蒙亦視之離也弗許本作弗何休公羊傳注云弗者不之深也許書ノ部ノ音弗下云橋也从ノ从フ音弗从車省則弗者意之離也弗其假借字耳此未審與許孫義合否要不當連文渾淪釋之是則也

丩部𠄎𠄎行兒也从丩是聲爾雅曰𠄎則也今釋言𠄎作是許書是部是下曰直也从日正引伸爲規則之義則𠄎爲假借字

皇華也

𨾏部𨾏華榮也从𨾏生聲讀若皇

𨾏變𨾏作𨾏段玉裁云生不得爲聲當是

𨾏字之誤𨾏部𨾏下曰𨾏木𨾏生也从𨾏在土上讀若皇案段說是也

爾雅曰𨾏華也

又莖云黽或从艸皇今釋言黽作皇从莖省也郭注
云釋草曰莖華榮謂皇卽莖也詩疏引李巡注云詩
曰皇皇者華則釋言之皇華也卽釋此詩黽正字今
作皇與詩合古文省假也唐開成石經爾雅作華皇
也邵晉涵爾雅正義本从之謂今本誤倒爲皇華據
釋文華胡瓜反皇胡光反亦上華下皇證石經爲不
誤並謂說文多取互訓以華訓莖不必其定爲爾雅
原文郭注釋草蒹葭莖華榮引釋言皇華也亦改作
華皇也謂五字可互訓不知開成石經本爲倒誤詩
言皇爲華之發越故釋言云皇華也釋文上華下皇
者下皇當作莖陸爲郭注引釋草文作晉耳皇本習

見字不須音也如日須音皇字已見於釋詁陸不爲作音何於此始發音乎則下皇爲萑字之脫無疑不足證明開成石經爲定本也今本爾雅與詩及說文合邵不深攷以誤爲不誤以不誤爲誤反謂說文不必爲爾雅原文謂釋草五字可互訓夫華卽今之花字花萑也其可通乎郭注釋言引萑華榮是讀蒹葭萑句華榮句謂蒹葭萑爲華榮耳非互訓之謂矣據一誤石經而改爾雅疑說文易郭注句度不瞭義訓皆非是其千慮之一失也

𦵏薄也

𦵏部 𦵏音既古文𦵏事有不善言𦵏也爾雅曰𦵏薄也

𦵏音既古文𦵏事有不善言𦵏也

从死京聲今爾雅無此文詩大雅桑柔傳云涼薄也
涼爲涼假借字許書水部涼下曰薄也从水京聲是
涼爲正字矣廣雅釋詁云涼襦也許所引蓋釋詁文
今脫之也

僂僂洄洄

衣部襦重衣兒从衣圍聲爾雅曰襦襦襦襦案釋訓云
僂僂洄洄愔也釋文云洄郭音韋音義云

郭有爾本
雅音義

或作𦞙音韋𦞙卽襦字是洄洄有作襦襦者王符潜
夫論云洄洄潰潰當本釋訓文𦞙𦞙卽洄洄亦卽襦
襦也潰潰卽襦襦矣但許書衣部無襦字襦襦疑潰
潰之訛

絨羔裘之縫也

黑部黠羔裘之縫也从黑或聲案此不稱爾雅曰而實引釋訓文今本作絨此釋詩召南羔羊素絲五絨也許引爾雅作黠則詩必有作黠者

扱衽謂之頽

足部跋進足有所擷取也从足及聲爾雅曰跋謂之頽案爾雅釋器云執衽謂之拮扱衽謂之頽此釋周南芣苢薄言拮之薄言頽之也毛傳云拮執衽也扱衽曰頽原本雅訓許書衣部拮下曰執衽謂之拮从衣吉聲頽下曰以衣衽扱物謂之頽从衣頽聲又擷云頽或从手此卽本釋器文而不明稱爾雅此云爾雅

曰𨔵謂之𨔵拔作𨔵𨔵作𨔵無衺字與今本異蓋許
所讀爾雅又有如此者故引之以存異義衣部𨔵下
重文作𨔵卽此本也則詩必有作薄言𨔵之據雅訓
說爲𨔵足進取爲𨔵者衣部𨔵下綴𨔵字許意謂𨔵
與𨔵通而別發其義於此見字通而義各有取也茅
苜釋文本作𨔵云本一作𨔵依毛義則字當作𨔵也
醫無閭之珣玕琪焉

玉部珣醫無閭之珣玕璣周書所謂夷玉也从玉旬聲
一曰器讀若宣此亦引爾雅而不明稱也今釋地璣
作琪案許書示部祺下曰吉也从示其聲又禪云猶
文从基是其聲基聲字古通而玉部無琪字又以璣

爲璣或作字

西至於邠國

水部汎西極之水也从水八聲爾雅曰西至汎國謂四極今釋地汎作邠釋文云邠本或作幽下引說文云同彼貧反許所據作汎則由汎水得名文選張衡南都賦云汾汎崩札李善注云汎讀爲八埤蒼云汎大聲也然則水之名汎以湍激碎訇爲義今作邠則後之所易字也

小山岼大山岼

馬部馭馬行相及也从馬及聲讀若爾雅曰小山馭大山岼馭音岼今釋山馭作岼郭注云岼謂高過許作馭

本義謂馬行相及可引伸爲凡相及之稱義爲小山高及大山也

如階者階邱

阜部諸如渚者階邱水中高者也从阜者聲此用釋邱文今本上渚字亦作階案釋水云小洲曰渚則如渚者階邱謂形如水中之渚而又高者也故其字从阜而與渚異義則上如階字當爲渚今本誤也

水醮曰𣶒

水部沝水厓粘土也从水九聲爾雅曰水醮曰沝案釋水云水醮曰𣶒字不作沝許書厂部音𣶒下曰仄出泉也从厂𣶒聲讀若軌案釋水云沝泉穴出穴出

仄出也字不作𣪠許本爾雅汎𣪠字與今本互易詩
小雅大東有冽汎泉傳云側出曰汎疏引李巡爾雅
注云水泉從旁出名曰汎泉釋名云側出曰汎泉汎
軌也流狹而長如車軌也則諸家詮釋汎泉與今本
爾雅合則水醮之字諸家爾雅本作𣪠可知今以字
之形義攷之𣪠从厂厂厓巖也許書厂部厂下山
从𣪠𣪠日景也日部𣪠下日日水盡厓巖露日景以
晞之是爲水厓枯土則水醮字作𣪠是也汎从水从
九義如釋名所云則泉仄出字作汎是也許書爲正
名之書不應舛錯蓋傳寫互易以致誤

汝爲瀆

水部涓小流也从水冫聲爾雅曰汝爲涓今釋水涓作
瀆又云汝有瀆郭注引詩遵彼汝瀆謂大水溢出別
爲小水之名案汝瀆詩毛作墳傳云大防也用釋邱
文爲訓至大雅常武鋪敦淮瀆傳訓瀆爲水厓許於
瀆下亦云水厓也从水賁聲下引常武詩是瀆爲凡
水厓之稱則瀆非專屬於汝而非汝水之別名矣據
許引爾雅是汝爲瀆汝有瀆漢時爾雅均作涓郭作
瀆以爲汝別者蓋非也楚辭哀郢登大墳以遠望王
逸注云水中高者爲墳詩曰遵彼汝墳王注引詩多
本三家亦作汝墳疑郭引作瀆改詩字以爲雅注耳
水經注云汝水東南逕奇雒城西北瀆水出焉亦謂

之大瀝水爾雅曰汝有瀆然則瀆者汝別也故其下
夾流猶流汝陽之名是或瀆瀝之聲相近矣鄭注所
引爾雅多據郭本瀆水瀝水辭多約略是本無瀆水
竟以瀝水當之以傳合郭氏爾雅注要當以許引爲
正

釐蔓華

艸部萊蔓華从艸來聲此卽釋草之釐蔓華也許所據
爾雅作萊徐鍇云釐與萊音同是也詩周頌思文貽
我來牟漢書劉向傳引作釐筵周禮獸人注釐所田
之地釋文云釐本亦作萊儀禮少牢饋食禮來女孝
孫注云來讀曰釐來釐古同聲通用也故萊蔓華一

作釐釐其假借字也齊民要術引詩義疏云萊藜也
莖葉皆似某王芻今兗州人蒸以爲茹謂之萊蒸是
萊又爲藜藜釐音同也

狸狐狌獠醜其足蹠其跡公

公部公獸足蹠地也象形爾雅曰狐狸獠貉醜其足蹠
其迹公又蹠云篆文公从足柔聲今釋獸作狸狐狌
獠醜其足蹠其跡公攷鄭注周禮地官毛物云貂狐
獠貉之屬縞毛者也疏云言貂不言狸者鄭君所讀
爾雅不爲狸也許所讀獠又作獠其字錯出所傳本
異也狌者貉之正字許引作貉蓋後人所易蹠爲蹠
者許書米部米辨別也象獸指番下曰獸足謂之番

田象其掌又𨔵云番或从足从煩今番字別爲義𨔵
又不行而番旁益足爲蹠於形義無取迹跡古今字
麋麋短脰

欠部欲蹴鼻也从欠咎聲讀若禽雅曰麋獫狁短脰今釋
獸獫作麋案上文云麋牡麋牝麋鹿牡麋牝鹿則麋
麋短脰謂麋鹿之牡者皆短項耳許引麋作獫疑傳
寫之誤

孝經

仲尼居

几部尻處也从尸得几而止孝經曰仲尼尻尻謂閒尻
如此今孝經開宗明義章尻作居釋文云居如字說

文作尻音同鄭元云尻尻講堂也是鄭所據古文與

許同案許書尸部居下曰蹲也从尸古者居从尸此

謂誤當又踞云俗居从足緊傳本踞是居爲蹲踞正

字今以居爲居處字以踞爲蹲踞字尻字既廢而居

字本義遂失顏氏家訓云仲尼居三字之中兩字非

體三蒼尼傷益丘說文尸下施几若此之類何由可

從史記孔子世家云叔梁紇與顏氏禱於尼丘得孔

邱云水潦所止泥丘釋文云泥依字又作泥許書上

部泥下云反頂受水丘也从丘泥省聲反頂受水卽

水潦所止也然則泥爲正字泥爲借字尼爲省字孔

子頂似之因以爲名字所謂以類命爲象也審是而

哭不偯

心部悠痛聲也从心依聲孝經曰哭不悠今喪親章悠作倯釋文云倯於豈反俗作哀非說文作悠晉同案倯俗字也禮記閒傳云大功之哭三曲而倯鄭注云三曲一舉聲而三折也倯聲餘從容也倯亦當爲悠不悠者謂氣竭而息閒傳所謂斬衰之哭往而不反也

論語

文質彬彬

人部份文質備也从人分聲論語曰文質份份又彬云古文份从彡林林者从焚省聲今論語雍也作彬彬漢世論語有魯論齊論古論之別許引作份份未審

其為齊為魯其云古文為彬則孔壁古文論語也

誄曰禱爾於上下神祇

言部禱禱也系功德以求福也論語云禱曰禱尔于上

下神祇从言囙聲

許書無囙字蓋脫之今讀為系

又譌云誄或从囙

今述而誄作誄尔作爾釋文云誄或云作譌此蓋古

論字之僅存者許訓誄云誄也从言耒聲鄭注禮記

曾子問云誄系也系列生時行迹以作誄也然則生

者求福字作誄死者作謚字作誄也許書八部尔下

曰詞之必然也从入一八象气之分散𣦵部

𣦵音禮

爾下曰麗爾猶靡麗也从口

音密𣦵其孔𣦵謂蒙密之

中其空處交綴歷歷然靡麗也

此與爽同意尔爾本義如此凡語詞

常用尔则借爲爾汝字今經典語詞皆用爾許引
作禱尔尙仍本字也讀法當於此略逗

啓予足

言部諛離別也从言多聲讀若論語跖予之足案此卽
泰伯篇之啓予足也許書足部無跖字廣雅釋訓云
蹢躅跖跖音馳諛音侈聲相近跖跖卽蹢躅予
足不可強通疑有譌誤

色勃如也

朮部

音輩又音撥朮木盛木亦然也

字寧字也

寧音

从朮人色也从子

此二字當在人色也上

論語色字如也今鄉黨作勃案許書力

部勃下曰排也从力孛聲則勃爲用力排擠之義是

勃如當爲字矣色部引此又作艱云艱色艱如也从色弗聲論語曰色艱如也此蓋古文與齊魯之異

趨進翼如也

走部趨趨進趨如也从走翼聲此引鄉黨而不稱論語曰又不釋字義許書每多此例疑有脫誤此引蓋古文

行不履闕

門部闕門榻也从門或聲論語曰行不履闕又闕云古文闕从血案所云古文卽論語古文也古或血通用詩大雅文王有聲云築城伊洑傳云洑成溝也釋文云洑字又作洑韓詩曰洑深池許書尸部瘕下曰頭

痛也从疒或聲讀若溝洫之洫是其證也

褻裘長

糸部結論語曰結衣長短右袂从舌糸聲今結衣作褻裘案許書衣部褻下曰私服也从衣執聲此結蓋褻之同音假借字許引論語而闕其說解玉篇云結堅也此蓋其本義當本說文今脫之耳

狐貉之厚以居

豸部貉似狐善睡獸也从豸舟聲論語曰狐貉之厚以居今本貉作貉案許訓貉云北方貉豸種也从豸各聲孔子曰貉之言惡也則貉非獸名矣今經典以貉爲貉讀下各反造貉爲貉讀莫白反其來已久惟禽

雅釋獸獬子豸孟子告子下貉道也尙仍其本字爾
雅釋文云獬乎各反字林云似狐善睡本作貉忘白
反字林云北方人也非獸也陸於此分別明晰是其
字相亂由來遠矣

不使勝食氣

巳部

自音香
又音通

既小食也从自无聲論語曰不使勝食既

今既作氣案許所引古文也氣當爲气古假氣爲之
氣亦假既爲之禮記中庸既稟稱事鄭注云既讀爲
餽餽卽氣或字也許書會部氣下曰饋客芻米也从
米气聲又槩云氣或从既又餽云氣或从會是其證
也以氣作槩推之氣从米气聲槩从米既聲則既且

通氣矣故食氣之氣當爲氣而古論作既

加朝服拖紳

衣部衤裾也从衣它聲論語曰朝服衤紳

唐作切

今本衤

作拖釋文作拖云本或作拖徒我反又敕佐反案拖
卽衤之變篆文它也形相近故从它之字隸或作也
許書手部衤下云曳也从手它聲則衤紳之字當爲
衤許作衤衤者衣之前衤蓋古文假借字

鏗爾舍瑟而作

手部掣擣頭也从手堅聲讀若論語鏗爾舍琴而作

此

小徐本大徐作舍瑟

今先進尔作爾琴作瑟釋文云鏗苦耕反

投琴聲

釋文於投琴聲下云本今作瑟此蓋校釋文者所注誤驛入者盧召弓校釋文改作瑟聲

誤是論語瑟本作琴玉篇云搗口耕切琴聲論語曰
搗爾舍琴而作今本作舍瑟與上琴聲不相應誤也廣韻云搗琴聲是
可證瑟本作琴矣搗者鐘之異體但許書手部金部
俱無之疑許所據作搗亦也

羿善射

弓部彗帝嚳射官夏少康滅之从弓干聲論語曰彗善
射今憲問彗作羿案許書羽部羿下曰羽之羿風亦
古諸侯也从羽干聲一曰射師其云亦古諸侯是羿
卽彗矣

愬子路於季孫

言部謫告也从言席聲辭變席爲斥又爲斥論語曰謫子路於季

孫又謂云譌或从言朔又慙云譌或从朔心今憲問作慙从或體也

有荷蕢

艸部蕢艸器也从艸貴聲又與云古文蕢象形論語曰有荷與而過孔氏之門案此引古論列於重文之下者見凡上一篆引書詩易春秋下列古文皆古文經字也

小人窮斯濫矣

女部濫過差也从女監聲論語曰小人窮斯濫矣今衛靈濫作濫案許書水部濫下云汜也从水監聲引伸之亦得爲過差之義與濫通

友便佞

言部諛便巧言也从言扁聲周書曰截截善諛言論語
曰友諛佞今季氏諛作便許訓諛爲便以疊韻爲訓
也便辯也義與諛通

陳亢

人部伉人名从人亢聲論語有陳伉今伉作亢鄭注云
字子禽段玉裁云釋鳥云亢鳥隴古人名字相配故
名亢字禽許所見从人疑古文之假借

擾而不輟

木部擾摩田器也从木憂聲論語曰擾而不輟今微子
篇擾从耒案隸釋載熹平石經作擾不輟石經魯論

也無而字耨字則與許同許書耒部無耨字則後起之字漢書陳勝傳注引晉灼曰耨椎塊椎也

以杖荷蓀

艸部蓀艸田器也从艸條省聲論語曰以杖荷蓀今蓀作蓀不省包咸注云蓀竹器據許說則包注非也竹

器未有从艸者蓋丈人以杖擔田器於肩芸非除田

作耨後乃置杖用蓀芸田則上言荷蓀爲芸張本

耳許書匚部匱下曰田器也从匚攸聲匚音玉篇音

徒弔切可作蓀爲田器之證

孟子

曾西蹙然不悅

諸廷鑑以意補餘
以原介按止之

欠部欸欸然也从欠未聲孟子曾西欸然今孟子公孫
丑篇作蹇然趙注云蹇然猶蹇蹇也案許書足部蹇
下曰蹇也从足就聲則欸爲正字蹇則借字也

爾焉能浼我哉

水部浼汙也从水免聲詩曰河水浼浼孟子曰汝安能
浼我今本汝妄作爾焉通用字也

成颺

覲部覲音覲颺很視也从覲肩聲音齊景公之勇臣有成

颺者今孟子成颺作成颺許書見部無颺字淮南子

齊俗訓作荆颺荆聲之轉耳

殷人七十而助

耒部耨商人七十而耨耨藉稅也从耒助聲周禮日以
興耨利萌案商人七十而耨者孟子滕文公篇文今
商作殷耨作助攷工記匠人注引孟子此文自夏后
氏至雖周亦助也凡助法字皆作耨後引守望相助
亦然注又云耨者借民之力以治公田又使收斂焉
蓋通省假借字也下引周禮者地官遂人職文鄭注
云鄭大夫讀耨爲藉杜子春讀耨爲助謂起民人令
相佐助許書訓耨有二義藉稅之訓藉民力也興耨
之訓相佐助也故先引孟子以明殷之法制後引周
禮以見令相佐亦爲耨耨者正字耨者或字助其訓
詁字孟子作助非體也

爲不若是恕

心部念恕也从心介聲孟子曰孝子之心不若是念音介

今萬章篇念作恕趙注云恕無愁之貌丁公著音義

音界許書心部無恕字而尸部憇字注云恕聲是有

恕字爲傳寫脫誤恕从心切聲切音甲介切聲之轉或

許所據本如此

故源源而來

言部源徐語也从言原聲孟子曰故源源而來今源源

作源源趙注云如流水之與源通則趙本亦作源許

書水部無源字徐語引伸爲凡徐之稱源源而來者

徐徐而來也徐徐者安行也

接浙而行

水部澆浚乾漬米也从水竟聲孟子曰孔子去齊澆浙而行今澆作接接浙者謂以手承水取漬米而行許作澆說爲浚乾漬米浚扞也許訓浚云扞也从水發聲則澆浙者謂漬米將淘以去之急不及淘而扞起之

二女果

女部嫫音嫫嫫也从女果聲一曰女侍曰嫫讀若騶一曰若委孟軻曰舜爲天子二女嫫今盡心篇嫫作果趙注云果侍也亦作果許書作嫫果其省假也